

唐書合鈔

唐書卷第一百七十三

列傳七十三

張獻誠

弟獻恭子煦

獻甫

路嗣恭

子應從新書增

曲環

崔漢衡

楊朝晟

樊澤

子宗師從新書增

李叔明

裴胄

張獻誠陝州平陸人幽州節度使幽州大都督府長史  
守珪之子也天寶末陷逆賊安祿山受僞官連陷史思  
明爲思明守汴州統逆兵數萬寶應元年冬東都平史  
朝義逃歸汴州獻誠不納舉州及所統兵歸國詔拜汴  
州刺史充汴州節度使

封南陽郡公改寶應軍左  
廂兵馬使更封鄧國公

踰年

來朝代宗寵賜甚厚三遷檢校工部尚書兼梁州刺史

充山南西道觀察使

新書作節度

廣德二年十月擒南山賊

帥高玉以獻永泰二年正月獻名馬二絲絹雜貨共十

萬匹是月兼充劍南東川節度觀察使封鄧國公西川

崔旰殺郭英又獻誠率眾戰於梓州爲旰所敗獻誠僅

以身免大曆三年四月獻誠以疾上表乞歸私第仍薦

堂弟試太常卿兼右羽林將軍獻恭以自代詔許之以

獻誠檢校戶部尚書知省事八月獻誠以疾抗疏辭官

無幾卒於私第

獻誠喜功名爲政寬裕有機畧隨方制變而簡廉不逮於父

獻恭守珪之弟守瑜子累以軍功官至試太常卿兼右

羽林將軍代獻誠爲梁州刺史兼御史中丞充山南西道節度觀察使大曆十二年七月獻恭破吐蕃萬餘衆於岷州建中元年正月加檢校兵部尚書爲東都留守三年正月爲太府卿容州刺史本管經畧招討使四年七月與渾瑊盧杞司農卿段秀實與吐蕃尙結贊築壇於京城之西會盟如清水之儀興元元年六月轉檢校吏部尚書仍與一子正員官盧杞移饒州刺史給事中袁高論其不可獻恭因入對紫宸殿上言高所奏至當臣恐煩聖聽不敢縷陳其事德宗不悟獻恭復奏曰袁高是陛下一良臣望特優異德宗顧謂宰臣李勉等曰

朕欲授杞一小州刺史可乎對曰陛下授大州亦可其奈士庶失望何獻恭守正不撓也如此

獻甫守珪弟左武衛將軍贈戶部尚書守琦之子獻甫少隨諸兄從軍初爲偏裨以軍功累授試光祿卿殿中監河中節度副元帥都知兵馬使檢校兵部尚書兼御史大夫建中初從節度使賈耽征梁崇義於襄漢以功加太子詹事及幸奉天興元獻甫首至從渾瑊征討有功及復京邑入爲金吾將軍檢校工部尚書時李懷光未平吐蕃侵擾西邊獻甫領禁軍出鎮咸陽凡累年軍民悅之貞元四年遷檢校刑部尚書兼邠州刺史邠寧慶節度

觀察使

代韓遊瓌領邠寧節度使邠寧軍素驕憚獻甫嚴因遊瓌去遂縱掠邀范希朝爲帥都將楊朝

晟誅首亂者

獻甫乃得入乃於彭原置義倉方渠馬嶺等縣選險要

之地以爲烽堡又上疏請復鹽州及洪門洛原等鎮各

置兵防以備蕃寇朝廷從之

獻甫遣兵馬使魏堯逐吐蕃築鹽夏二城虜眾畏不

敢入

貞元四年九月吐蕃將尙志董星論莽羅等寇寧

州獻甫率眾禦之斬首百餘級吐蕃遁邊城

上下有脫文貞

元十二年加檢校左僕射五月丙申卒年六十一廢朝

三日贈司空賻物有差

獻恭子煦嘗從獻甫征討積戰功累遷至夏州節度使

元和八年十二月振武軍逐出節度使李進賢而屠其

家殺判官嚴澈憲宗怒遣煦以夏州兵二千人赴振武仍許以便宜擊斷九年正月賜絹三萬匹以助軍資河東節度使王鐸遣兵五千會煦於善羊柵詔煦入振武誅作亂蘇國珍等二百五十三人乃定是歲十二月卒贈太子太保

路嗣恭

字懿範

京兆三原人始名劔客歷仕郡縣有能名

累至神烏令考績上上爲天下最以其能賜名嗣恭

始名

劔客以世蔭爲鄴尉席豫黜陟河朔表爲蕭關令連徙神烏姑臧二縣考績爲天下最元宗以爲可嗣漢魯恭因賜名轉渭南令主杜化東陽二驛時關畿用兵使人係道嗣恭儲具有素而民不擾歷工部尙

書兼御史大夫靈州大都督府長史充關內副元帥郭

子儀副使知朔方節度營田押諸蕃部落等使嗣恭披  
荆棘以守之大將御史中丞孫守亮握重兵倔強不受  
制嗣恭稱疾召至因殺之威信大行大厯三年檢校刑  
部尚書知省事大厯六年七月本紀七年正月當從紀爲江南西

道都團練觀察使在官恭恪善理財賦賈明觀者事北  
軍都虞候劉希暹魚朝恩誅希暹從坐明觀積惡犯眾  
怒時宰相元載受賂遣江南効力魏少遊承載意苟容  
之及嗣恭代少遊卽日杖殺識者稱之大厯八年嶺南  
將哥舒晃殺節度使呂崇賁反五嶺騷擾詔加嗣恭兼  
嶺南節度觀察使封翼國公嗣恭擢流人孟瑤敬冕使分其



務瑤主大軍當其衝晁自間道輕入招集義勇得八十  
人以撓其心腹二人皆有全策詭計出其不意遂斬晁  
及誅其同惡萬餘人築爲京觀俚洞之宿惡者皆族誅  
之五嶺削平拜檢校兵部尚書知省事嗣恭起於郡縣  
吏以至大官皆以恭恪爲理著稱及平廣州商舶之徒  
多因晁事誅之嗣恭前後沒其家財寶數百萬貫盡入  
私室不以貢獻代宗心甚銜之故嗣恭雖有平方面功  
正轉檢校兵部尚書無所酬勞及德宗卽位楊炎受其  
貨始叙前功除兵部尚書東都留守尋加懷鄭汝陝四  
州河陽三城節度及東都畿觀察使徵至京師卒時年

七十一廢朝一日贈左僕射

子應恕應字從猷以蔭爲著作郎貞元初出爲虔州

刺史詔嗣父封鑿嶺石梗險以通舟道德宗時李泌爲相號得君帝嘗曰誰於卿有恩者朕能報之泌乃言曩爲元載所疾謫江西路嗣恭與載厚臣嘗畏之會與其子應並驅馬齧其脛臣惶恐不自安應闕不言勉起見臣臣常媿其長者思有以報帝曰善即日加應檢校屯田郎中服金紫累遷宣歙池觀察使封襄陽郡王李錡反應發鄉兵救湖常二州以故錡不能叛元和六年以疾授左散騎常侍卒謚曰靖

子恕字體仁初嶺南衙將哥舒晃反詔嗣恭自江西致

討授檢校工部員外郎得以軍前便宜從事俄而降者

繼路於是擢降將伊慎推心用之賊平恕功居多年纔

三十爲懷州刺史

嗣恭節度河南楊炎用扞魏博爲時嗤詆

久之轉京兆少

尹監門衛太將軍兼御史中丞教練招討等使其後爲

鄜坊觀察使太子詹事坐事貶吉州刺史遷太子賓客  
以右散騎常侍致仕卒年七十三贈洪州都督恕私第  
有佳林園自貞元初李紆包佶輩迄于元和末僅四十  
年朝之名卿咸從之遊高歌縱酒不屑外慮未嘗問家  
事人亦以和易稱之

曲環陝州安邑人也父彬爲南使正監因家於隴右以  
環故累贈兵部尙書環少讀兵書尤以勇敢騎射聞天  
寶中從哥舒翰攻拔石堡城收黃河九曲洪濟等城累  
授果毅別將安祿山反從襄陽節度魯炅守鄧州拒賊  
將武令珣戰數十合環功居多超授左清道率又從李

抱玉守河陽南城尋別將兵守澤州破賊驍將安曉敕  
特拜羽林將軍又將別部兵合諸軍同討史朝義平河  
北累轉金吾大將軍並同正員隨李抱玉移軍京西大  
厓中領兵隴州頻破吐蕃加特進太常卿上初嗣位吐  
蕃大寇劍南詔環以邠隴兵五千馳往大破戎虜收七  
盤城威武軍及維茂二州西戎奔遁環大振功名而還  
加太子賓客賜以名馬與諸將討涇州叛將劉文喜平  
之加開府儀同三司兼御史中丞充邠隴兩軍都知兵  
馬使封晉昌郡王時李納擁兵侵逼徐州令環與劉元佐同  
救援累破李納逆黨環以功最加御史大夫建中三年

十月加檢校左常侍充邠隴行營節度使李希烈侵陷  
汴州環與諸軍守固寧陵陳州大破希烈軍於陳州城  
下殺逆黨三萬五千人擒其驍將翟暉以獻希烈因遁  
歸蔡州環以功加檢校工部尚書兼陳州刺史希烈平  
加環兼許州刺史陳許等州節度觀察加實封三百戶  
陳蔡二州以希烈擾亂遭剽劫頗甚人多逃竄他邑以  
避禍環勤身恭儉賦稅均平政令寬簡不三二歲襁負  
而歸者相屬訓農理戎兵食皆豐羨十二年加檢校左  
僕射卒時年七十四廢朝一日贈司空賻布帛米粟有

差

崔漢衡博陵人也性沉厚寬博善與人交釋褐授沂州費令滑州節度使令孤彰奏署掌記累遷殿中侍御史大厯六年拜檢校禮部員外郎爲和吐蕃副使還遷右司郎中改萬年令建中三年爲殿中少監兼御史大夫充和蕃使與吐蕃使區頰贊至自蕃中時吐蕃大相尙結息忍而好殺以常覆敗於劍南思刷其耻不肯約和其次相尙結贊有材畧因言於贊普請定界明約以息邊人贊普然之竟以結贊代結息爲大相約和好期以十月十五日會盟於境上戊申以漢衡爲鴻臚卿四年吐蕃朝貢加檢校工部尙書復使吐蕃興元初上居奉

天吐蕃遣師佐渾瑊敗朱泚兵於武功以功轉檢校兵部尚書兼祕書監西京留守無幾真拜兵部尚書爲東都淄青魏博賑給宣慰使明年爲幽州宣慰使所至皆稱職貞元三年副侍中渾瑊與吐蕃會盟於平涼吐蕃背約瑊僅免時無備預在會免者什無一二士卒死者以千數漢衡與同陷者並至河州結贊令召之以頰使於蕃結贊素信重與孟日華中官劉延邕俱至石門而遣五騎送至境上四年七月加檢校吏部尚書晉慈隰觀察使尋加都防禦使十一年四月卒

贈尚書左僕射

楊朝晟字叔明夏州朔方人也初在朔方爲步軍先鋒

嘗有功授甘泉府果毅建中初從李懷光討劉文喜于涇州斬獲生擒居多授驃騎大將軍稍爲右先鋒兵馬使後李納寇徐州從唐朝臣征討嘗冠軍鋒以功授開府儀同三司檢校太子賓客上在奉天李懷光自山東赴難以朝晟爲左廂兵馬使將千餘人下咸陽以挫朱泚加御史中丞實封一百五十戶及懷光反于河中朝晟被脅在軍上幸梁洋韓遊瓌退于邠寧懷光以嘗在邠寧迫制如屬城以賊黨張昕在邠州搃後務昕懼難作乃大索軍資徵卒乘約明潛發歸于懷光朝晟父懷賓爲遊瓌將因夜以數十騎斬昕及同謀遊瓌卽日使



懷賓奉表聞奏上召勞問授兼御史中丞正除遊瓌邠

寧節度使間諜至河中朝晟聞其事泣告懷光曰父立  
功於國子合誅戮不可主兵矣懷光遂繫之及諸軍進  
圍河中韓遊瓌營于長春宮懷賓身當戰伐及懷光平  
上念其忠俾副元帥渾瑊特原朝晟遂爲遊瓌都虞候  
時父子同軍皆爲開府賓客御史中丞榮於軍中後詔  
徵遊瓌宿衛以左金吾將軍張獻甫爲檢校刑部尚書  
兼御史大夫邠寧慶節度觀察使代韓遊瓌初遊瓌以  
吐蕃犯塞自將兵戍寧州及受代以是月壬子夜輕騎  
潛遁歸闕其將卒素驕怠畏張獻甫之嚴因遊瓌夜出

衙內千餘人遂叛掠且因監軍楊明義邀奏出奔將范希朝爲節度朝晟時爲都虞候初逃於郊翼日乃來給其衆曰所請甚愜我來賀也由是稍安朝晟及諸將謀誅首惡者經數日乙卯朝晟率諸將以告曰前請者不獲張尙書昨日已入邠州汝等皆當死吾不能盡殺各言戎首以歸罪焉餘無所問於是眾中唱二百餘人立斬之乃定上擢希朝爲寧州刺史以副獻甫獻甫入奏朝晟功加御史大夫九年城鹽州徵兵以護外境朝晟分統士馬鎮木波獻甫卒詔以朝晟代之其年丁母憂起復左金吾大將軍同正邠州刺史大夫如故十三年

春朝晟奏方渠合道木波皆賊路也請城其地以備之  
詔問所須幾何朝晟奏曰臣部下兵自可集事不煩外  
助復問前築鹽州凡興師七萬今何其易也朝晟曰鹽  
州之役諸軍蕃戎盡知之今臣境迫虜若大興兵卽蕃  
戎來寇寇則戰戰則無暇城矣今請密發軍士不十日  
至塞下未三旬而功畢蕃人始來乘障數日而退初軍  
次方渠無水師徒囂然遽有青蛇乘高而下視其蹟水  
隨而流朝晟令築防環之遂爲停泉軍人仰飲以足圖  
其事上聞詔置祠焉

命泉曰廉聖已城吐蕃悉眾至度不能害乃引去復城馬嶺而歸開

地三百里

十五年二月免喪加檢校工部尙書是夏以防秋

移軍寧州遘疾來年正月卒

十七年卒于屯案德宗紀十七年五月卒當從新書

樊澤字安時河中也父詠開元中舉草澤授試大理

評事累贈兵部尙書澤長於河朔相循節度薛嵩奏爲

磁州司倉堯山縣令建中元年舉賢良對策

澤舉賢良方正次潼

關兩淖困不能前有熊執易者同舍逆旅哀之輟所乘馬傾褚以濟自罷所舉是歲澤上第

禮部侍

郎于邵厚遇之與楊炎善薦爲補闕歷都官員外郎澤

好讀兵書朝廷以其有將帥材尋兼御史中丞充通和

蕃使蕃中用事宰相尙結贊深禮之尋從鳳翔節度張

鎰與吐蕃會盟於清水遷金部郎中御史中丞山南節

度行軍司馬時李希烈背叛詔以普王爲行軍元帥徵

澤爲諫議大夫元帥行軍右司馬屬駕幸奉天普王不行澤改右庶子兼中丞復爲山南東道行軍司馬尋代賈耽爲襄州刺史兼御史大夫山南東道節度觀察等使澤有武藝每與諸將射獵常出其右人心服之賊厭畏焉頗與李希烈兇黨接戰前後擒降其驍將張嘉瑜杜文朝梁俊之李克誠薛翼等收唐隨二州希烈旣平澤丁母憂起復右衛大將軍同正餘如故三年代張伯儀案本紀代嗣曹王臯非代伯儀爲荆南節度觀察等使江陵尹兼御史大夫三歲加檢校禮部尙書會襄州節度曹王臯卒於鎮軍中剽劫擾亂以澤威惠素著於襄漢復代曹王

臯爲襄州刺史山南東道節度使十二年加檢校右僕

射卒年五十贈司空

十四年卒年五十七謚曰成

賻布帛米粟有差

其日將宴百官廢朝改取他日

子宗師字紹述始爲國子主簿元和三年擢軍

謀宏遠科授著作郎歷金部郎中綿州刺史徙絳州治有迹進諫議大夫未拜卒始宗師家饒於財悉施散姻舊賓客妻子告不給宗師笑不答然力學多通解著春秋傳魁紀公樊子凡百餘篇別集尙多韓愈稱宗師論議平正有經據嘗薦其材云

李叔明字晉卿閬州新政人本姓鮮于氏代爲豪族兄

仲通天寶末爲京兆尹劔南節度使兄弟並涉學輕財

好施叔明初爲劔南節度使楊國忠判官乾元後爲司

勳員外郎副漢中王瑀使回紇回紇接禮稍倨叔明離

位責之曰大國通好賢王奉使可汗於大唐子婿豈可恃微功而傲乎唐法不然可汗改容加敬復命遷司門

郎中後爲京兆少尹

東都平拜洛陽令招徠遺民號能吏擢商州刺史上津轉運使遷京

兆尹長安歌曰前尹赫赫具瞻允若後尹熙熙具瞻允斯無幾以疾辭除右庶子出

爲邛州刺史尋拜東川節度遂州刺史後移鎮梓州檢

校戶部尙書

建中初吐蕃襲火井掠龍州陷扶文遠三州叔明分五將邀擊走之以功加檢校戶

部尙書梁崇義阻命詔引兵下峽戰荆門敗其眾襄州平遷檢校尙書左僕射時東川兵荒之

後凋殘頗甚叔明理之近二十年招撫吐庶夷落獲安

大麻末有閬州嚴氏子上疏稱叔明少孤養子於外族

遂冒姓焉請復之詔從焉叔明初不知其從外氏姓意

醜其事遂抗表乞賜宗姓代宗以戎鎮寄重許之仍寘

嚴氏子於法及駕幸奉天

叔明出家贊助軍悉衣幣獻宮掖加太子太傅封薊國公

其子昇翊從叔明每私疏誠勵見危臨難當誓以死昇

奉父嚴訓果著勲効識者嘉之

昇以少卿從有功擢禁軍將軍貞元初遷太子

詹事坐部國公主貶羅州別駕

叔明既朝京師

以足疾賜錦輦令宦士肩舁以見

以本

官兼右僕射乞骸骨改太子太傅致仕卒謚曰襄叔明

摠戎年深積聚財貨子孫驕淫歿纔數年遺業蕩盡

裴胄字肩叔其先河東聞喜人今代墓河南伯父寬禮

部尙書有名於開元天寶間胄明經及第解褐補太僕

寺主簿屬二京陷覆淪避他州賊平授祕書省正字累



轉祕書郎陳少遊陳鄭節度留後奏胄試大理司直少  
遊罷隴右節度李抱玉奏授監察御史不得意歸免陳  
少遊爲宣歙觀察復辟在幕府抱玉怒奏貶桐廬尉浙  
西觀察使李栖筠有重望虛心下士幕府盛選才彥觀  
察判官許鴻漸書作鳴謙有學識栖筠嘗異席事多咨之崔  
造輩皆所薦引一見胄深重之薦於栖筠奏授大理評  
事觀察支度使代宗以元載隳紊朝綱徵栖筠入朝內  
制授御史大夫方將大用載怙權栖筠居顧問刺舉之  
職與不平引胄殿中侍御史九爲載所惡及栖筠卒胄護栖筠喪歸洛  
陽眾論危之胄坦然行心無所顧望淮南節度陳少遊

奏檢校主客員外兼侍御史觀察判官尋爲行軍司馬

載誅始拜刑部員外郎遷宣州刺史楊炎初作相銳意爲元載報

讐凡其枝黨無漏適會胄部人計胄官時服雜俸錢爲  
贓者炎命酷吏員寓深按其事貶汀州司馬尋徵爲少  
府少監除京兆少尹以父名不拜換國子司業遷河南  
觀察都團練使移江南西道前江西觀察使李兼罷省  
南昌軍千餘人收其資糧分爲月進胄至奏其本末罷  
之會荆南節度樊澤移鎮襄陽宰相方議其人上首命  
胄代澤仍兼御史大夫胄簡儉恒一時諸道節度觀察  
使競剝下厚斂制奇錦異綾以進奉爲名中貴人宣命

唐書卷一百三十三  
十三  
必竭公藏以買其歡胄待之有節皆不盈數金常賦之外無橫斂宴勞禮止三爵未嘗酣樂時武臣多所養畜賓介微失則奏流死胄以書生始奏貶書記梁易從君子薄其進退賓客不以禮物議薄之貞元十九年十月卒時年七十五贈右僕射謚曰成

史臣曰三獻軍謀臣節克紹家風路嗣恭從微至著執法簡廉瓌理兵勸農獨彰善政漢衡誠懇奉職朝晟忠孝權謀澤威惠荆襄叔明見危誓死立政惠民胄抱義危行守政奉公皆賢帥矣然嗣恭聚財爲功名之瑕玷叔明聚財致子孫之驕淫財之汚人誠可誠也

贊曰張路曲崔樊楊李裴守忠臣之道皆賢帥之才

唐書卷第一百七十三



唐書卷第一百七十四

列傳七十四

劉晏

孫濛  
李衡

晏兄暹

暹孫潼  
包佶皆從新書增

元瑒

裴臆

第五琦

班宏

王紹

李巽

劉晏字士安曹州南華人年七歲舉神童授祕書省正

字累授夏縣令有能名歷殿中侍御史

陽山亂避地襄陽永王璘署晏

右職固辭移書房瑄論封建與古異今

諸王出深宮一旦望桓文功不可致遷度支郎中

度支郎中兼侍御史領江淮租庸事晏至吳郡而璘反

乃與採訪使李希言謀拒之希言假晏守餘杭會戰不

利走依晏晏爲陳可守計因發義兵堅壁會王敗欲轉

畧州縣聞晏有備遂至晉陵西走終不言功召拜彭原

太守杭隴華三州刺史尋遷河南尹時史朝義盜據東都

寄理長水入爲京兆尹頃之加戶部侍郎兼御史中丞

判度支

京兆尹鄭叔清李齊物坐殘孽罷詔晏兼京兆尹

委府事於司錄張羣

杜亞綜大體議論號爲稱職無何爲酷吏敬羽所構會

農卿嚴莊下獄已而釋誣劾晏漏禁中語宰相蕭華亦忌之

貶通州刺史復入爲京

兆尹戶部侍郎判度支時顏真卿以文學正直出爲利

州刺史晏舉真卿自代爲戶部乃加國子祭酒又以京兆讓嚴

武寶應二年遷吏部尙書平章事領度支鹽鐵轉運租

庸使坐與中官程元振交通元振得罪晏罷相爲太子

賓客尋授御史大夫領東都河南江淮山南等道轉運

租庸鹽鐵使如故時新承兵戈之後中外艱食京師米

價斗至一千宮厨無兼時之積禁軍之食畿縣百姓乃  
按穗以供之晏受命後以轉運爲已任凡所經歷必究  
利病之由至江淮以書遺元載曰浮于江泗達于汴入  
于河西循底柱硤石少華楚帆越客直抵建章長樂此  
安社稷之奇策也晏賓于東朝猶有官謗相公終始故  
舊不信流言賈誼復召宣室宏羊重興功利敢不悉力  
以答所知驅馬陝郊見三門渠津遺迹到河陰鞏洛見  
宇文愷置梁公堰分黃河水入通濟渠大夫李傑新堤  
故事飾像河廟凜然如生涉滎郊浚澤遙瞻淮甸步步  
探討知昔人用心則潭衡桂陽必多積穀關輔汲汲只



緣兵糧漕引瀟湘洞庭萬里幾日淪波掛席西指長安  
三秦之人待此而飽六軍之眾待此而強天子無側席  
之憂都人見泛舟之役四方旅拒者可以破膽三河流  
離者於茲請命相公匡戴明主爲富人侯此今之切務  
不可失也使僕前洗瑕穢率罄愚懦當憑經義請護河  
隄宜勤在官不辭水死然運之利病各有四五焉晏自  
尹京入爲計相其五年矣京師三輔百姓唯苦稅畝傷  
多若使江湖米來每年三二十萬卽頓減徭賦歌舞皇  
澤其利一也東都殘毀百無一存若米運流通則饑人  
皆附村落邑廩從此滋多命之日引海陵之倉以食羣

洛是計之得者其利二也諸將有在邊者諸戎有侵敗  
王畧者或聞三江五湖貢輸紅粒雲帆桂楫輸納帝鄉  
軍志曰先聲後實可以震耀夷夏其利三也自古帝王  
之盛皆云書同文車同軌日月所照莫不率俾今舟車  
旣通商賈來往百貨雜集航海梯山聖神輝光漸近貞  
觀永徽之盛其利四也所可疑者函陝凋殘東周尤甚  
過宜陽熊耳至武牢成臯五百里中編戶千餘而已居  
無尺椽人無煙爨蕭條悽慘獸遊鬼哭牛必羸角輿必  
說輓棧車輓漕亦不易求今於無人之境興此勞人之  
運固難就矣其病一也河汴有初不修則毀激故每年

正月發近縣丁男塞長茭決沮淤清明桃花已後遠水  
自然安流陽侯宓妃不復太息頃因寇難搃不掬拓澤  
滅水岸石崩役夫需於沙津吏旋於澗千里河上罔水  
舟行其病二也東垣底柱澠池二陵北河運處五六百  
里戍卒久絕縣吏空拳奪攘姦宄窟穴囊橐夾河爲藪  
豺狼狺狺舟行所經寇亦能往其病三也東自淮陰西  
臨蒲坂亘三千里屯戍相望中軍皆鼎司元侯賤卒儀  
同青紫每云食半菽又云無挾纊輓漕所至船到便留  
卽非單車使折簡書所能制矣其病四也惟小子畢其  
慮奔走之惟中書詳其利病裁成之晏累年已來事缺

名毀聖慈含育特賜生全月餘家居遠卽臨遣恩榮感  
切思殞百身見一水不通願荷鋪而先往見一粒不運  
願負米而先趨焦心苦形期報明主丹誠未克漕引多  
虞屏營中流掩泣獻狀自此每歲運米數十萬石以濟  
關中

歲輸始至天子大悅遣衛士以鼓吹  
送東渭橋馳使勞曰卿朕鄼侯也

又至德初爲

國用不足令第五琦於諸道摧鹽以助軍用及晏代其  
任法益精密官無餘利初歲入錢六十萬貫季年所入  
逾十倍而人無厭苦大厯末通計一歲征賦所入摠一  
千二百萬貫而鹽利且過半累遷吏部尙書大厯四年  
六月與右僕射裴遵慶同赴本曹視事敕尙食增置儲

供許內侍魚朝恩及宰臣已下常朝官咸詣省送上八年知三銓選事十二年三月誅宰臣元載晏奉詔訊鞫晏以載居任樹黨布於天下不敢專斷請他官其事敕御史大夫李涵右散騎常侍蕭昕兵部侍郎袁僚禮部侍郎常袞諫議大夫杜亞同推載皆款伏初晏承旨門下侍郎同平章事王縉亦處極法晏謂涵等曰重刑再覆國之常典況誅大臣得不覆奏又法有首從二人同刑亦宜重取進止涵等從命及晏等覆奏代宗乃減縉罪從輕縉之生晏平反之力也十三年十二月爲尚書左僕射時宰臣常袞專政以晏久掌銓衡時議平允兼

司儲蓄職舉功深慮公望日崇上心有屬竊忌之乃奏

晏朝廷舊德宜爲百吏司長外示崇重內實去其權及

奏上以晏使務方理代其任者難其人使務知三銓並

如故李靈曜之亂也河南節帥所據多不奉法令征賦

亦隨之州縣雖益減晏以羨餘相補人不加賦所入仍

舊議者稱其能自諸道巡院距京師重價募疾足置遞

相望四方物價之上下雖極遠不四五日知故食貨之

重輕盡權在掌握朝廷獲美利而天下無甚貴甚賤之

憂得其術矣

每朝謁馬上以鞭算質明視事至夜分止  
雖休澣不廢事無閑劇卽日剖決無留

凡所任使多收後進有幹能者其所摠領務乎急促趨

利者化之遂以成風當時權勢或以親戚爲託晏亦應之俸給之多少命官之遲速必如其志然未嘗得親職事其所領要務必一時之選故晏沒後二十餘年韓洄元琇裴腆包佶盧徵李衡繼掌財賦皆晏故吏其部吏居數千里之外奉教令如在目前雖寢興宴語而無欺給四方動靜莫不先知事有可賀者必先上章奏江淮茶橘晏與本道觀察使各歲貢之皆欲其先至有土之官或封山斷道禁前發者晏厚以財力致之常先他司由是甚不爲藩鎮所便晏理家以儉約稱而重交敦舊頗以財貨遺天下名士故人多稱之

所居修行里粗樸庫陋飲食儉狹室

無媵  
婢

善訓諸子咸有學藝任事十餘年權勢之重鄰於

宰相要官重職頗出其門既有材力視事敏速乘機無

滯然多任數挾權貴固恩澤有口者必利陷之當大厯

時事貴因循軍國之用皆仰於晏未嘗檢轄德宗嗣位

言事者稱轉運可罷多矣初楊炎爲吏部侍郎晏爲尙

書各恃權使氣兩不相得炎坐元載貶晏快之昌言於

朝及炎入相追怒前事且以晏與元載隙憾時人言載

之得罪晏有力焉炎將爲載復讎又時人風言代宗寵

獨狐妃而又愛其子韓王迴晏密啟請立獨狐爲皇后

炎因對敷流涕奏言賴祖宗福祐先皇與陛下不爲賊



臣所聞不然劉晏黎幹之輩搖動社稷凶謀果矣今幹以伏罪晏猶領權臣爲宰相不能正持此事罪當萬死崔祐甫奏言此事曖昧陛下以廓然大赦不當究尋虛語朱泚崔寧又從傍與祐甫救解之寧言頗切炎大怒故斥寧令出鎮鄜坊以摧挫之遂罷晏轉運等使尋貶爲忠州刺史炎欲誣構其罪知庾準與晏素有隙舉爲荆南節度以伺晏動靜準乃奏晏與朱泚書祈救解言多怨望炎又證成其事上以爲然是月庚午晏已受誅使迴奏報誣晏以忠州謀叛下詔暴言其罪時年六十六天下寃之家屬徙嶺表連累者數十人

建中元年七月詔中人賜

晏死後十九日賜死詔書乃下時宋兼剛定使護籍沒  
眾論不可乃止然已命簿錄其家庶雜書兩乘米麥數  
斛人服其廉淄青節度使李正己表誅晏太暴不  
加驗實先誅後詔天下駭惋請還其妻子不報 貞元

五年上悟方錄晏子執經授太常博士少子宗經祕書

郎終給事中執經上請削官贈父特追贈鄭州刺史經宗

子蒙字仁澤舉進士累官度支郎中會昌初擢給事中

以材爲宰相李德裕所知時回鶻衰朝廷經畧河湟建

遣濠按邊調兵械糧餉爲宣慰靈夏以北党項使始議

造木牛運宣宗立德裕得罪濠貶朗州刺史終大理卿

○晏兄暹爲汾州刺史天資疾惡所至以方直爲觀察

使所畏建中末召爲御史大夫宰相盧杞憚其嚴更薦

前河南尹于頔代之暹終潮州刺史○暹孫潼字子固  
擢進士第杜棕判度支表爲巡官累遷祠部郎中大中  
初討党項羌軍食乏宰相欲以潼爲使難其遣潼見宰  
相曰上念邊餽議遣使潼畏不稱耳安敢憚行遂命爲  
供軍使會復河湟調師屯守以潼判度支河湟供軍案歷  
京兆少尹山南有劇賊依山爲剽宣宗怒欲討之宰相

崔鉉曰此陛下赤子迫於饑寒弄兵山谷間不足討請使諭釋之詔潼馳往潼挺身直叩其壘曰有詔赦爾罪盜皆列拜約潼就館而降會山南節度使封敖遣兵擊賊潼罷歸數陳邊事擢諫議大夫出爲朔方靈武節度使坐累貶鄭州刺史改湖南觀察使召爲左散騎常侍拜昭義節度使徙河東又徙西川時李福討南詔兵不利潼至填以恩信蠻皆如約六姓蠻持兩端爲南詔間候有卑籠部落者請討之潼因出兵襲擊俘五千人南詔大懼自是不敢犯邊以功加檢校尚書右僕射卒贈司空元琇後以尚書右丞判度支闕無橫斂而軍旅濟爲韓滉所惡貶雷州司戶參軍坐私人廣州賜死。裴膺以兵部侍郎判度支封聞喜縣公。李衢歷戶部侍郎。包佶字幼正潤州延陵人父融集賢院學士與賀知章張旭張若虛有名當時號吳中四士佶擢進士第累官諫議大夫坐善元載貶嶺南晏奏起爲汴東兩稅使晏罷以佶充諸道鹽鐵輕貨錢物使遷刑部侍郎改祕書監封丹陽郡公

第五琦

字禹

京兆長安人少孤事兄華敬順過人及長

有吏才以富國強兵之術自任天寶初事韋堅堅敗貶  
官累至西江丞時太守賀蘭進明甚重之會安祿山反  
進明遷北海郡太守奏琦爲錄事參軍祿山已陷河間  
信都等五郡進明未有戰功元宗大怒遣中使封刀促  
之曰收地不得卽斬進明之首進明惶懼莫知所出琦  
乃勸令厚以財帛募勇敢士出奇力戰遂收所陷之郡  
令琦奏事至蜀中琦得謁見奏言方今之急在兵兵之  
強弱在賦賦之所出江淮居多若假臣職任使濟軍須  
臣能使賞給之資不勞聖慮元宗大喜卽日拜監察御  
史

肅宗駐彭原進明遣琦奏  
事云云帝悅拜監察御史

勾當江淮租庸使尋拜殿

中侍御史

遷司虞  
員外郎

尋加河南等五道度支使促辦應卒

事無違闕遷司金郎中兼御史中丞使如故於是創立  
鹽法就山海井竈收權其鹽官置吏出糶其舊業戶并  
浮人願爲業者免其雜徭隸鹽鐵使盜煮私市罪有差  
百姓除租庸外無得橫賦人不益稅而上用以饒遷戶  
部侍郎兼御史中丞專判度支領河南等道支度都勾  
當轉運租庸鹽鐵鑄錢司農太府出納山南東西江西  
淮南館驛等使乾元二年以本官加同中書門下平章  
事初琦以國用未足幣重貨輕乃請鑄乾元重寶錢以  
一當十行用之及作相又請更鑄重輪乾元錢一當五

十與乾元錢及開元通寶錢三品並行既而穀價騰貴  
餓殍死亡枕籍道路又盜鑄爭起中外皆以琦變法之  
弊封奏日聞乾元二年十月貶忠州長史既在道有告  
琦受人黃金二百兩者遣御史劉期光追按之琦對曰  
二百兩金十三斤重忝爲宰相不可自持若其付受有  
憑卽請準法科罪期光以爲此是琦伏罪也遽奏之請  
除名配流夷州馳驛發遣仍差綱領送至彼寶應初起  
爲朗州刺史甚有能政入遷太子賓客屬吐蕃寇陷京  
師代宗幸陝關內副元帥郭子儀請琦爲糧料使兼御  
史大夫充關內元帥副使未幾改京兆尹車駕克復專

判度支兼諸道鑄錢鹽鐵轉運常平等使累封扶風郡公又加京兆尹改戶部侍郎判度支前後領財賦十餘年魚朝恩伏誅琦坐以款狎出爲虔州刺史厯饒湖二州入爲太子賓客東都留司上以其材將復任用召還京師信宿而卒年七十年七十一贈太子少保子峯峯婦鄭氏皆以孝著旌表其門

班宏衛州汲人也祖思簡春官員外郎父景倩祕書監宏少舉進士授右司禦冑曹後爲薛景先鳳翔掌書記又爲高適劔南觀察判官累拜大理司直攝監察御史時青城山有妖賊張安居以左道惑眾事覺多誣引大

將冀以緩死宏驗理而速殺之人心乃安既而郭英又代適以厭人望奏署祕書郎兼雜令以疾免大厯三年遷起居舍人尋兼理匭使四遷至給事中時李寶臣卒於其位子惟岳匿喪求位上遣宏使成德問疾且喻之惟岳厚賂宏皆不受還報合旨遷刑部侍郎兼京官考使時右僕射崔寧考兵部侍郎劉迺上下宏駁曰夷荒靖難專在節制尺籍伍符不校省司夫上行虛美之名則下開趨競之路上行阿容下必朋黨因削去之迺知而謝曰迺雖不敏敢掠一美以徼二罪乎尋除吏部侍郎爲吐蕃會盟使李揆之副貞元初仍歲旱蝗上以賦



調爲急改戶部侍郎爲度支使韓滉之副遷尙書復副  
實參參初爲大理司直宏已爲刑部侍郎及參爲相領  
度支上以宏久司國計因令副之且曰朕藉參宰相以  
臨遠眾務悉委於卿勿以辭也參以宏先貴常私解悅  
之曰參後來一朝居尙書之上甚不自安一年之後當  
歸此使宏心喜歲餘參絕不復言宏性剛愎爲人間之  
且怒食言公事多異揚子院鹽鐵轉運委藏也宏以御  
史中丞徐粲主之旣不理且以賄聞參欲代之宏執不  
可參又選諸院吏未嘗訪宏乃疏參所用者過惡以聞  
事輒留中無何參以使勞加吏部尙書而宏進封蕭國

公怨參以虛號寵之間惡愈甚每奉詔營建宏必極壯麗親程課役又厚結權倖以傾參張滂先善於宏宏薦爲司農少卿及參欲以滂分掌江淮鹽鐵詢之於宏宏以滂嫉惡慮以法繩徐粲因曰滂強戾難制不可用滂知之八年三月參遂爲上所疎乃讓度支使遂以宏專判而參不欲使務悉歸於宏問計京兆尹薛珽珽曰二子交惡而滂剛決若分鹽鐵轉運於滂必能制宏參乃薦滂爲戶部侍郎鹽鐵使判轉運尙隸於宏以悅之江淮兩稅悉宏主之置巡院然令宏滂共擇其官滂請鹽鐵舊簿書於宏宏不與之每署院官宏滂更相是非莫

有用者滂乃奏曰班宏與臣相戾巡院多闕官臣掌財賦國家大計職不修無所逃罪今宏若此何以輯事遂令分掌之無幾宏言於宰相趙景陸費曰宏職轉運年運江淮米五十萬斛前年增七十萬斛以實太倉幸無過今職移於人不知何謂滂時在側忿然曰尙書失言甚矣若運務畢舉朝廷固不奪之蓋由喪公錢縱姦吏故也且凡爲度支胥吏不一歲資累鉅萬僮馬第宅僭於王公非盜官財何以致是道路喧喧無不知之聖上故令滂分掌公向所言無乃歸怨於上乎宏默然不對是日宏稱疾於第滂往問之宏不見憬費乃以宏滂之

言上聞由是遵大厯故事如劉晏韓滉所分滂至揚州

按徐粲逮僕妾子姪得贓鉅萬乃徙嶺表故參得罪

上句

疑有闕文

宏頗有力焉勤恪官署晨入夕歸下吏勞而未嘗

厭苦清白勤幹稱之於時貞元八年七月卒年七十三

廢朝加贈諡曰敬

後二年滂亦罷爲衛尉卿

王紹本家於太原今爲京兆萬年人

父端第進士有名天寶間與柳芳陸

據殷寅友善據嘗言端之莊芳之辨寅之介可以名世終工部員外郎

舊名與憲宗同永

貞年改焉少時顏真卿器重之因紹舊名字之曰德素

奏授武康尉蕭復爲常州刺史辟爲從事包佶領租庸

鹽鐵亦以紹爲判官時李希烈阻兵江淮租輸所在艱

阻特移運路自潁入汴紹奉佶表詣闕屬德宗西幸紹  
乃督緣路輕貨趣金商路倍程出洋州以赴行在德宗  
親勞之謂紹曰六軍未有春服我猶衣裘紹俯伏流涕  
奏曰包佶令臣間道進奉數約五十萬上曰道路回遠  
經費懸急卿之所奏豈可望耶後五日而所督繼至上  
深賴焉貞元中爲倉部員外郎時屬兵革旱蝗之後令  
戶部收闕官俸兼稅茶及諸色無名之錢以爲水旱之  
備紹自拜倉部便準詔主判及遷戶部兵部郎中皆獨  
司其務擢拜戶部侍郎尋判度支後二年遷戶部尙書  
德宗臨馭歲久機務不由台司自竇參陸贄已後宰臣

備位而已德宗以紹謹密恩遇特異凡主重務八年政  
之大小多所訪決紹未嘗洩漏亦不矜衒順宗卽位王  
叔文始奪其權拜兵部尙書尋除檢校吏部尙書東都  
留守元和初遷檢校尙書右僕射徐州刺史武寧軍節  
度復以濠泗二州隸焉時承張愔之後兵驕難治紹修  
輯軍政人甚安之裨將安進達唐重靖謀亂紹以計取之出家貲賞士舉軍安賴六年  
徵拜兵部尙書兼判戶部事九年卒年七十二贈左僕  
射諡曰敬

李異字令叔趙郡人少苦心爲學以明經調補華州叅  
軍拔萃登科授鄆縣尉周厯臺省由左司郎中出爲常

州刺史踰年召爲給事中出爲湖南觀察使銳於爲理  
五年改江西觀察使加檢校散騎常侍兼御史大夫吳  
持下以法吏不敢欺而動必察之順宗卽位入爲兵部  
侍郎司徒杜佑判度支鹽鐵轉運使以吳幹治奏爲副  
使佑辭重位吳遂專領度支鹽鐵使摧筦之法號爲難  
重唯大麻中僕射劉晏雅得其術賦入豐羨吳掌使一  
年征課所入類晏之多歲明年過之又一年加一百八  
十萬貫舊制每歲運江淮米五十萬斛抵河陰久不盈  
其數唯吳三年登焉遷兵部尙書明年改吏部尙書使  
任如故吳精於吏職蓋性使然也雖在私家亦置案牘

簿書勾檢如公署焉人吏有過絲毫無所貸雖在千里外其恐慄如在弇前初程異附王叔文貶竄異知其吏才明辨奏而用之憲宗不違其請異勾檢簿籍又精於奕故課最加衍亦異之助焉異爲吏部尙書卧疾郎官相率省問異初不言其病與之考校程課商畧功利至其夕而卒然性强狠狡惡忌刻頗甚乘德宗之怒謀殺竇參物論寃之初參爲宰相不悅於異自左司郎中出爲常州刺史仍促其行不數月參貶郴州司馬久之異自給事中爲湖南觀察使郴卽屬郡也宣武軍節度使劉士寧以擅襲父任物議不可朝廷不得已而授之及



參之貶士寧嘗以絹數千匹賂參與在湖南具奏其事  
言參與藩鎮交通德宗怒遂賜參死議者寃之與廉察  
江西狗喜怒之情而無罪被戮者多矣元和四年四月  
卒時七十一贈尚書左僕射

史臣曰歷代操利柄爲國計者莫不損下益上危人自  
安變法以弄權斂怨以構禍皆有之矣如劉晏通擁滯  
任才能富其國而不勞於民儉於家而利於楮或問曰  
鄭子產吏不能欺宓子賤吏不忍欺西門豹吏不敢欺  
三子者古之賢人也吏皆懷其欺而不能不忍不敢也  
晏之吏遠近自不欺者何也答曰蓋任其才而得其人

也晏歿故吏二十餘年繼掌財賦不其是哉史記貨殖  
云平糶齊物關市不乏治國之道也晏致天下無甚貴  
甚賤之物泛言治國者其可及乎舉真卿才忠也滅王  
縉罪正也忠正之道復出於人嗚呼木秀於林風必摧  
之常衮見忌於前楊炎致寃於後可爲長歎息矣時譏  
有口者以利啖之苟不塞讒口何以持重權卽無以展  
其才濟其國矣是其術也又何譏焉第五琦促辨應卒  
民不加賦而國豐饒亦庶幾矣然鑄錢變法物貴身危  
其何陋哉凡利國者農商之外不可爲也宏滂爭權樹  
黨皆非令人紹之謹密幹事與之皦察精辨亦足可稱

贊曰豐財忠良晏道爲長琦宏滂與咸以利彰

新書贊曰生人之本食與貨而已知所以取人不怨也劉晏因平準法幹山海排商賈制萬物低昂常探天下贏貲以佐軍興雖拏兵數十年餼不及民而用度足唐中饋而振晏有勞焉可謂知取子矣其經晏辟署者皆用材顯循其法亦能富國云

唐書卷第一百七十四

唐書卷第一百七十五

列傳七十五

薛嵩

弟峿

子平

平子從從新書增

族子雄

令狐彰

子建

運

通

田神功

弟神王

侯希逸

兄洎

李正己

子納

師道

納子師古

康日知

從新書增

睦志

睦子承訓

薛嵩絳州萬泉人祖仁貴高宗朝名將封平陽郡公父楚玉爲范陽平盧節度使嵩少以門蔭落拓不事家產有膂力善騎射不知書自天下兵起束身戎伍委贄逆徒廣德元年東都平時皇太子爲天下兵馬元帥遣僕固懷恩東收河朔嵩爲賊守相州聞賊朝義兵潰王師

至嵩惶惑迎拜於懷恩馬前懷恩釋之令守舊職時懷

恩二心已萌懷恩平河朔旋乃奏嵩及田承嗣張忠志

李懷仙分理河北道詔遂以嵩爲相州刺史充相衛洛

邢等州節度觀察使承嗣鎮魏州忠志鎮恒州懷仙鎮

幽州各據數州之地時多事之後姑欲安人遂以重寄

委嵩嵩感恩奉職數年間管內粗理累遷檢校右僕射

大厯初封高平郡王實封二百戶號其軍大厯八年正

爲昭義遷檢校尚書右僕射更封平陽月卒

新書七年案紀當從舊書初嵩好蹴鞠隱士劉綱勸止曰爲樂甚多何必乘危邀唇刻歡嵩悅圖其

形坐右 詔遣弟粵知留後累加粵太子少師大厯十年正月丁酉昭義軍兵馬使裴志清盜所將兵逐粵舉衆歸

田承嗣以叛粵奔於洺州上表乞入朝許之至京素服於銀臺門待罪詔釋之

嵩子平

字坦塗

年十二爲磁州刺史嵩卒軍吏欲用河北

故事脅平知留後務平僞許之讓於叔父粵一夕以喪歸及免喪累授右衛將軍在南衙凡三十年宰相杜黃裳深器之薦爲汝州刺史兼御史中丞理有能名元和七年淮西用兵自左龍武大將軍授兼御史大夫滑州刺史鄭滑節度觀察等使累有戰功滑州城西距黃河二里每歲常爲水患平詢訪得古河道接衛州黎陽縣界平率魏博節度使田宏正同上聞開古河南北長十

四里決舊河以分水勢滑人遂無水患居鎮六年入爲左金吾大將軍未幾復爲鄭滑節度觀察使及平李師道朝廷以東平十二州析爲三道以淄青齊登萊五州爲平盧軍以平爲節度觀察等使仍押新羅渤海兩蕃使長慶元年幽鎮叛杜叔良統橫海全軍討伐不勝王庭湊圍牛元翼於深州棣州爲賊所窘朝廷乃委平以偏師援棣州平卽遣將李叔佐以兵五百救之居數月刺史王稷餽給稍薄兵士怨怒叔佐不能戰宵潰而歸仍推突將馬狼兒新書名士端爲帥行及青城鎮劫鎮將李自勸并其衆次至博昌鎮復劫其鎮兵共得七千餘人

徑逼青州城城中兵士不敵平悉府庫并家財募二千  
精卒逆擊之仍先以騎兵掩其家屬輜重賊衆惶惑反  
顧因大敗狼兒與其同惡十數輩脫身竄匿餘黨降稍  
後者斬於鞠場明日狼兒亦就擒戮脅從者放歸田里  
詔加右僕射進封魏國公由是遠近畏伏平之威畧在  
鎮六周歲兵甲完利井賦均一至是入覲百姓遮道乞  
留數日乃得出時人以爲近日節制罕有其比寶厯元  
年歸朝進加檢校左僕射兼戶部尙書踰月復檢校司  
空兼河中絳隰節度觀察等使大和二年復以晉州慈  
州隸河中益兵三千人加檢校司徒

更封韓國公

在河中凡



六年召拜太子太保明年上疏乞老以司徒致仕居一

年卒

年八十

冊贈太傅

子從字順之以蔭授左清道率府兵曹參軍累遷汾州刺史隄文谷

瀘河二水引溉公私田汾人利之徙濮州儲粟二萬斛以備凶災於是山東大水詔右司郎中趙櫟爲賑卹使

櫟表其才擢將作監終左領軍衛上將軍贈工部尚書

嵩族子

擇相州刺史

雄初爲嵩屬吏知衛州事嵩歿特

詔授衛州刺史魏博節度田承嗣誘爲亂雄不從承嗣

遣刺客盜殺之

令狐彰

字伯陽

京兆富平人也遠祖自燉煌徙家焉代有

冠冕父溥天寶中任鄧州錄事參軍以清白聞本道採

訪使宋鼎引爲判官初任范陽縣尉通幽州人女生彰

及秩滿留彰於母氏彰遂少長范陽倜儻有膽氣涉獵書傳粗知文義善弓矢乃策名從軍事安祿山天寶中以軍功累遷至左衛員外郎將安祿山叛逆以本官隨賊黨張通儒赴京師通儒僞署爲城內左街使王師收復二京隨通儒等遁走河朔又陷逆賊史思明僞署爲博州刺史及滑州刺史令統兵數千戍滑臺彰感激忠義思立名節乃潛謀歸順會中官楊萬定監滑州軍彰遂募勇士善於水者俾乘夜涉河達表奏於萬定請以所管賊一將兵馬及州縣歸順萬定以聞自祿山構逆爲賊守者未有舉州向化肅宗得彰表大悅賜書慰勞

時彰移鎮杏園渡遂爲思明所疑思明乃遣所親薛岌  
統精卒圍杏園攻之彰乃明示三軍曉以逆順衆心感  
附咸悉力爲用與賊兵戰大破之潰圍而出遂以麾下  
將士數百人隨萬定入朝肅宗深獎之禮甚優厚賜甲  
第一區名馬數匹并帷帳什器頗盛拜御史中丞兼滑  
州刺史滑臺魏博等六州節度使仍加銀青光祿大夫  
鎮滑州委平殘寇及史朝義滅遷御史大夫封霍國公  
尋加檢校工部尚書未幾檢校右僕射餘並如故彰在  
職風化大行滑州瘡痍未復城邑爲墟彰以身勵下一  
志農戰內檢軍戎外牧黎庶法令嚴酷人不敢犯數年

開田疇大闢庫藏充積歲奉王稅及修貢獻未嘗暫闕  
時犬戎犯邊徵兵防秋彰遣屬吏部統營伍自滑至京  
之西郊向二千餘里甲士三千人率自齎糧所過州縣  
路次供擬皆讓而不受經間里不犯秋毫識者稱之然

性識猜阻人有忤意不加省察輒至斃踏此其短也怒

州刺史李岫遣姚奭代之戒曰不時代殺之岫知其謀  
因殺奭死者百餘人奔汴州上書自言彰亦劾之河南  
尹張延賞畏彰留岫使故彰書先聞斥岫夷州殺之  
與魚朝恩有隙及用事彰不敢入朝會母喪失明卒

終手疏辭表誠子以忠孝守節又舉能自代表曰臣自

事陛下得備藩守受恩則重効節未終長辭聖朝痛入

心骨臣誠哀懇頓首頓首臣受性剛拙不能包容頃因

魚朝恩將掠亳州遂與臣結怨當其縱暴臣不敢入朝  
專聽天誅卽欲奔謁及魚朝恩死卽臣屬疾苦又遭家  
艱力微眼暗行動須人拜舞不能數月有闕欲請替辭  
退卽日望稍瘳冀得康強榮歸朝覲自冬末舊疾益重  
瘡腫又生氣息奄奄遂期隕歿不遂一朝天闕一拜龍  
顏臣禮不終忠誠莫展臣之大罪下慙先代仰媿聖朝  
臣竭誠事上誓立大節天地神明實知臣心心不遂行  
言發自痛當使倉糧錢絹羊馬牛畜一切已上並先有  
部署三軍兵士州縣官吏等各恭舊職祇待聖恩臣伏  
見吏部尙書劉晏及工部尙書李勉知識忠貞堪委大

事伏願陛下速令檢校上副聖心臣男建等性不爲非  
行亦近道今勒歸東都私第使他年爲臣報國下慰幽  
魂臨歿昏亂伏表哀咽上覽表嗟悼久之特下詔褒美  
曰中衛社稷外修疆事合於一體以靖庶邦其在有終  
謂之不朽觀前代文武通賢有匡時戡難迫於大化不  
忘時君未嘗不嘉尚而流歎也今有忠烈之臣彰剛直  
形外純和積中本於孝敬輔以才畧統制藩閫服勞王  
家往以母老躬於就養豈不戀闕以茲曠年及苴麻在  
艱優諭權奪踴絕傷足淚盡喪明八覲之期良願莫遂  
想其風彩久軫顧懷遽見淪沒深用追悼嗟乎方疾之

時以情自疏無有所隱見之於詞復節守常條上軍簿  
請擇良帥命於中朝乃令遺盾爰歸東洛教忠以報國  
約禮以居喪古人所謂生不交利死不屬其子夫豈遠  
哉節槩誠亮高絕無鄰喟然感傷鑒寐增慟有以見東  
州士大夫勤王尊主之志用嘉其休可以垂範宣付史  
館式昭名臣子建運通

建大厯四年十二月彰遣入朝特加兼御史中丞歸滑  
州及彰卒滑三軍逼奪情禮建守死不從舉家歸京師  
服闋累轉至右龍虎軍使德宗以涇原兵亂出幸奉天  
建方教射於軍中遂以四百人隨駕爲後殿至奉天以

建爲行在中軍鼓角使幸梁州轉行在右廂兵馬使右

羽林大將軍兼御史大夫興元元年六月加檢校左散

騎常侍行在都知兵馬使左神武大將軍建妻李氏恒

帥寶臣女也建惡將弃之乃誣與傭教生刑新書作郭士倫

姦通建召士倫榜殺之因逐其妻士倫母聞不勝其痛

卒李氏奏請按劾詔令三司詰之李氏及奴婢款證被

誣頗明白建方自首伏會赦免坐德宗詔曰子育黎元

未能禁暴在予之責用軫於懷宜輟常膳五百千文充

葬士倫母子其父既衰耄至無所歸良深矜念委京兆

尹厚加存恤貞元四年七月以前官爲右領軍大將軍



五年三月以專殺不辜德宗念舊勲特容貸之復陳訴詞甚虛罔遂貶施州別駕同正卒於貶所貞元六年九月贈右領軍大將軍十年贈揚州大都督

運爲東都留守將逐賊出郊其日有劫轉運絹於道者杜亞以運豪家子意其爲之乃令判官穆員及從事張宏靖同鞠其事員與宏靖皆以運職在牙門必不爲盜抗請不按亞不聽而怒斥逐員等令親事將武金鞠之金笞垂運從者十餘人一人笞死九人不勝考掠自誣竟無贓狀亞具以聞請流運於嶺表德宗令侍御史李元素刑部員外郎崔從質大理司直盧士瞻三司覆按

運獄旣竟明運迹非行盜以曾捕掠人於家配流歸州武金肆虐作威教人通款配流建州後歲餘齊抗捕得劫轉運絹賊郭郜朱瞿曩等七人及賊絹詔令杜亞與留臺同劾之皆首伏然終不原運運死於歸州人士寃之

通元和中宰相李吉甫奏曰臣伏見代宗朝滑州節度使令狐彰臨終上表悉以土地兵甲籍上朝廷遣諸子隨表歸闕代宗以彰遺表宣示百僚當時在位者聞之無不感歎今有次子通在臣每感彰同時河朔諸鎮付子傳孫無不燠灼數代唯彰忠義感激奉國忘家遣子

入朝以土地歸於先帝貞元中長子建坐事死於施州  
幼子運亦無罪流於歸州欲使忠義之人何所激勸今  
通幸存得遇明聖伏乞陛下下召之與語如堪用望垂獎  
錄憲宗念彰之忠卽授通贊善大夫出爲宿州刺史時  
討淮蔡用爲泗州刺史歲中改壽州團練使檢校御史  
中丞每與賊戰必虛張虜獲得賊數人卽爲露布上之  
宰相武元衡笑而不奏如有敗衄卽不敢上聞後爲賊  
所攻境上城柵並陷通走固州城閉壁不出憲宗遣李  
文通往宣慰度其將至遂令代通貶爲昭州司戶移撫  
州司馬十四年徵爲右衛將軍制下給事中崔植封還

制書言通前刺壽州失律不宜遽加獎任憲宗令宰相  
宣喻門下言通父有功於國不宜逐弃其子制命方行  
歲餘出爲淄州刺史長慶初入爲左衛大將軍卒

田神功冀州南宮人家本微賤天寶末爲縣里胥會河

朔兵興從事幽薊上元元年爲平盧節度都知兵馬使

兼鴻臚卿會天下兵興賊署爲平盧兵馬使率衆歸朝

從李忠臣收滄德攻相州拒杏閣後守陳留

戰不勝與許叔冀降於史思明使與南德信劉從

諫南畧江淮神功襲德信斬之從諫脫身走乃并將其

兵詔拜鴻臚卿襲於鄭州破賊四千餘衆生擒逆賊大  
將四人牛馬器械不可勝數尋爲鄧景山所引至揚州  
大掠百姓商人資產郡內比屋發掘畧徧商胡波斯被

殺者數千人二年二月生擒逆賊劉展送於闕下以擒

展功累遷檢校工部尚書兼御史大夫汴宋等八州節

度使神功禽展送京師遷淄青節度使會侯希逸入青

州更徙兗鄆時賊圍宋州急李光弼奏神功往救

賊解去又破法子營復攻敬釭降之朝義聞乃奔下

博進封信都郡王徙河南節度汴宋八州觀察使大

曆二年三月朝京師獻馬十匹金銀器五十件繒綵一

萬匹時郭子儀入朝請宴宰臣等於私第神功效其請

亦以許之尋加檢校右僕射赴尚書省視事特詔宰臣

已下百官送上仍加知省事以寵之又判左僕射知省

軍神功忠朴幹勇當時所稱神功事母孝始嘗偃自

折節謙損既寢疾宋八年冬復覲闕廷遣疾信宿而終

之將吏為禳祈報恩

上悼惜爲之徹樂廢朝三日贈司徒賻絹一千疋布五百端特許百官弔喪賜屏風茵褥於靈座并賜千僧齋以追福至德已來將帥不兼三事者哀榮無比弟神王自曹州刺史權汴州留後大厯十年正月加檢校兵部郎中兼御史中丞汴州刺史知汴州節度觀察留後事并河陽澤潞等兵馬直據淇門會李承昭討魏博田承嗣十一年卒詔滑州李勉代之

侯希逸平盧人也少習武藝天寶末安祿山反署其腹

希逸長七尺豐下銳

心徐歸道爲平盧節度希逸時爲平盧裨將

上爲州裨將守保定城安祿山反率兵與安東都護王使中人韓朝敷傳命希逸斬以徇

元志襲殺歸道使以聞詔以元志爲平盧節度使乾元  
元年冬元志病卒軍人共推立希逸爲平盧軍使朝廷  
因授節度使旣數爲賊所迫希逸率勵將士累破賊徒  
向潤客李懷仙等旣淹歲月且無救援又爲奚虜所侵  
希逸拔其軍二萬餘人且行且戰遂達於青州會田神  
功能元皓於兗州青州遂陷於希逸詔就加希逸爲平  
盧淄青節度使自是迄今淄青節度皆帶平盧之名也  
希逸初領淄青甚著聲稱理兵務農遠近美之寶應元  
年與諸節度同討襲史朝義平之加檢校工部尙書賜  
實封圖形凌煙閣後漸縱恣政事怠惰尤崇奉釋教且

好畋游興功創寺宇軍州苦之永泰元年因與巫者夜宿於城外軍士乃閉之不納希逸奔歸朝廷拜檢校右僕射以私艱去職大厯十一年九月起復檢校尙書右僕射上柱國封淮陽郡王久之加知省事遷司空詔出而卒廢朝三日贈太保

李正己高麗人也本名懷玉生於平盧乾元元年平盧節度使王元志卒會有敕遣使來存問懷玉恐元志子爲節度遂殺之與軍人共推立侯希逸爲軍帥希逸母卽懷玉姑也後與希逸同至青州累至折衝將軍驍健有勇力寶應中衆軍討史朝義至鄭州迴紇方強暴恣



橫諸節度皆下之正已時爲軍候獨欲以氣吞之因與  
其角逐衆軍聚觀約曰後者批之旣逐而先正已擒其  
領而批其背迴紇尿液俱下衆軍呼笑虜慙繇是不敢  
爲暴節度使侯希逸卽其外兄也用爲兵馬使正已沈  
毅得衆心希逸因事解其職軍中皆言其非罪不當廢  
會軍人逐希逸希逸奔走遂立正已爲帥朝廷因授平  
盧淄青節度觀察使海運押新羅渤海兩蕃使檢校工  
部尙書兼御史大夫青州刺史賜今名尋加檢校尙書  
右僕射封饒陽郡王大厯十一年十月檢校司空同中  
書門下平章事十三年請入屬籍從之爲政嚴酷所在

不敢偶語初有淄青齊海登萊沂密德棣等州之地與田承嗣合狐彰薛嵩李寶臣梁崇義更相影響大厯中薛嵩死及李靈曜之亂諸道共攻其地得者爲己邑正己復得曹濮徐兗鄆共十有五州內視同列貨市渤海名馬歲歲不絕法令齊一賦稅均輕最稱強大嘗攻田承嗣威震鄰敵歷檢校司空右僕射兼御史大夫同平章事太子太保司徒後自青州徙居鄆州使子納及腹心之將分理其地建中後畏懼朝廷多不自安聞將築汴州乃移兵屯濟陰晝夜教習爲備河南騷然天下爲憂羽檄馳走徵兵以益備又於徐州增兵以扼江淮於

是運輸爲之改道未幾發疽卒時年四十九子納擅總  
兵政祕之數月乃發喪納阻兵興元元年四月歸順方  
贈正已太尉

納少時正已遣將兵備秋代宗召見嘉之自奉禮郎超  
拜殿中丞兼侍御史賜紫金魚袋歷檢校倉部郎中兼  
總父兵奏署淄州刺史正已將兵擊田承嗣奏署節度  
觀察留後尋遷青州刺史又奏署行軍司馬兼曹州刺  
史曹濮徐兗沂海留後又加御史大夫建中初正已田  
悅梁崇義張惟岳皆反二年正已卒納祕喪統父衆仍  
復爲亂北會悅於濮陽遣大將衛俊將兵一千救悅爲

河東節度使馬燧敗於洹水殺傷殆盡詔諸軍誅之納從叔父洧以徐州李士真以德州及棣州李長卿皆以州歸順納以彭城險阨又怒洧背宗乃悉兵圍之詔宣武軍節度劉洽與諸軍救之大敗納兵於城下後將兵於濮陽洽攻破其外城納自城上見洽涕泣悔罪遣判官房說以其弟經男成務朝京師請因洽從順會中使宋鳳朝見之謂納計蹙欲誅破之以爲己功奏請無捨上乃械說等繫禁中納遂歸鄆州復與李希烈朱滔王武俊田悅合謀皆反僞稱齊王建置百官及興元之降罪已詔納乃効順詔加檢校工部尙書平盧軍節度淄

青等州觀察使無幾檢校右僕射同中書門下平章事

封隴西郡王

時希烈圍陳州納遣兵與諸軍奮擊大破之因

解圍加檢校司空實封五百戶貞元初升鄆州爲大都督府改授長史年三十四薨於位廢朝三日贈賻有差子師古累奏至青州刺史貞元八年納死軍中以師古代其位而上請朝廷因而授之起復右金吾大將軍同正平盧及青淄齊節度營田觀察海運陸運押新羅渤海兩蕃使成德軍節度王武俊率師次於德棣二州將取蛤蜊及三汊城棣州之鹽池與蛤蜊歲出鹽數十萬斛棣州之隸淄青也其刺史李長卿以城入朱滔而蛤

螻爲納所據固城而守之以專鹽利其後武俊以敗朱  
滔功以德棣二州隸之蛤螻猶爲納戍納初於德州南  
跨河而城以守之謂之三汭交田緒以通魏博路而侵  
掠德州爲武俊患及納卒師古繼之武俊以其年弱初  
立舊將多死心頗易之乃率衆以取蛤螻三汭爲名其  
實欲窺納之境師古令棣州降將趙鎬拒之武俊令其  
子士清將兵先濟於滴河會士清營中火起軍驚惡之  
未進德宗遣使諭旨武俊卽還師古毀三汭口城從詔  
旨師古雖外奉朝命而嘗畜侵軼之謀招集亡命必厚  
養之其得罪於朝而逃詣師古者因卽用之其有任使

於外者皆留其妻子或謀歸款於朝事洩族其家衆畏死而不敢異圖貞元十年五月師古服闋加檢校禮部尚書十二年正月檢校尚書右僕射十一月師古丁母憂起復左金吾上將軍同正十五年正月師古杜佑李樂妾媵並爲國夫人十六年六月與淮南節度使杜佑同制加中書門下平章事及德宗遺詔下告哀使未至義成軍節度使李元素以與師古鄰道錄遺詔報師古以示無外師古遂集將士引元素使者謂曰師古近得邸吏狀具承聖躬萬福李元素豈欲反乃忽僞錄遺詔以寄師古三代受國恩位兼將相見賊不可以不討遂

杖元素使者遽出兵以討元素爲名冀因國喪以侵州  
縣俄聞順宗卽位師古乃罷兵後累官至檢校司徒兼  
侍中卒贈太傅

師道師古異母弟其母張忠志女師道時知密州事師古

嘗曰是不更民間疾苦要令知衣食所從乃署知密州師古死其奴不發喪潛使

迎師道於密而奉之師古病召親近高沘李公度等曰

古曰豈以人情屬師道邪彼不服我以技自尙慮朝命

覆吾宗公等審計之及死沘公度與家奴卒立之

久未至師道謀於將吏或欲加兵於四境其判官高沘

固止之乃請進兩稅守鹽法申官員遣判官崔承寵孔

目官林英相繼奏事時杜黃裳作相欲乘其未定也以



計分削之憲宗以蜀川方擾不能加兵於師道元和元年七月遂命建王審遙領節度授師道檢校左散騎常侍兼御史大夫權知鄆州事充淄青節度留後十月加檢校工部尚書兼鄆州大都督府長史充平盧軍及淄青節度副大使知節度使管內支度營田觀察處置陸運海運押新羅渤海兩蕃等使自正巳至師道竊有鄆曹等十二州六十年矣懼衆不附巳皆用嚴法制之大將持兵鎮於外者皆質其妻子或謀歸款於朝事沒其家無少長皆殺之以故能劫其衆父子兄弟相傳焉五年七月檢校尚書右僕射十年王師討蔡州師道使賊

燒河陰倉斷建陵橋

帝討蔡詔興諸道兵而不及鄆師道選卒二千抵壽春陽言爲王師

助實援蔡也亡命少年爲師道討曰河陰者江淮委輸

河南帝都請燒河陰敖庫募洛壯士劫宮闕卽朝廷救

腹心疾此解蔡一奇也師道乃遣容燒河

陰漕院錢三十萬緡米數萬斛倉百餘區初師道置留

邸於河南府兵謀雜以往來吏不敢辨因吳元濟北犯

汝鄭郊畿多警防禦兵盡戍伊闕師道潛以兵數千百

人內其邸謀焚宮闕而肆殺掠旣烹牛饗衆矣會有小

將楊進李再興者詣留守呂元膺告變元膺追伊闕兵

圍之半日不敢進攻防禦判官王茂元殺一人而後進  
或有毀其墉而入者賊衆突出殺人圍兵奔駭賊得結  
伍中衢內其妻子於囊橐中以甲冑殿而行防禦兵不

敢追賊出長夏門轉掠郊墅東濟伊水入嵩山元膺誠境上兵重購以捕之數月有山棚鬻鹿於市賊遇而奪之山棚走而徵其黨或引官軍共圍之谷中盡獲之窮理得其魁首乃中岳寺僧圓靜年八十餘嘗爲史思明將偉悍過人初執之使巨力者奮鎚不能折脛圓靜罵曰鼠子折人脚猶不能敢稱健兒乎乃自置其足教折之臨刑乃曰誤我事不得使洛城流血死者凡數十人留守防禦將二人都亭驛卒五人甘水驛卒三人皆潛受其職署而爲之耳目自始謀及將敗無知者初師道多買田於伊闕陸渾之間凡十所處欲以舍山棚而衣

食之有訾嘉珍門察者潛部分之以屬圓靜以師道錢

千萬僞理嵩山之佛光寺期以嘉珍竊發時舉火於山

中集二縣山棚人作亂及窮按之嘉珍門察乃賊武元

衡者元膺具狀以聞

鹽鐵使王播又得嘉珍所藏弓材五千并斷建陵戟四十七

及

誅吳元濟師道恐懼上表乞聽朝旨請割三州并遣長

子入侍宿衛詔許之師道識暗政事皆決於羣婢婢有

號蒲大姊袁七娘者爲謀主乃言曰自先司徒以來有

此十二州奈何一日無苦而割之邪今境內兵士數十

萬人不獻三州不過發兵相加可以力戰戰不勝乃議

割地未晚也師道從之而止表言軍情不叶乃詔諸軍

討伐十年十二月武寧軍節度使李愿遣將王智興擊

破師道之衆九千斬首二千餘級獲牛馬四千遂至平

陰十一年十一月加師道司空仍遣給事中柳公綽往

宣慰且觀所爲欲寬容之師道苟以遜順爲辭長惡不

悛始師道欲知元濟虛實使劉晏平問道走淮西元濟

居內與妻妾戲博必敗之道師道本倚蔡爲重聞之怒

乃以他事殺晏平及聞李光顏拔凌雲柵始大懼遣使

歸順帝重分兵支兩寇故命給事中柳公綽慰撫之如

檢校司空蔡平又遣比部員外郎張宿諷令割地質子

宿謂曰公今歸國爲宗姓以尊卑論之上叔父矣不屈

一也以十二年事三百餘州天子北面稱藩不屈也

以五十年傳爵臣二百年天子不屈三也今反狀已暴

上猶許內省宜遣子入宿衛割地以贖罪師道乃納三

州遣子宏方入侍宿旣還師道中悔名諸將議皆曰蔡

數州戰三四年乃克公今十二州何所虞大將崔承度

獨進曰公初不示諸將腹心而今委以兵此皆嗜利者朝廷以一漿十餅誘之去矣師道志遣承度詣京師戒候吏待其還斬之承度待命客省不敢還帝以其負約用左散騎常侍李遜喻旨既至師道嚴兵以見遜讓曰前已約而今背之何也願得要言奏天子師道許之

十三年七月滄州節度使鄭

權破淄青賊於齊州福城縣斬首五百餘級

案李愿及鄭權兩戰

一在十年一在十三年紀與傳合新書連文並書似屬一時事矣

十月齊州節度使李

愬兵馬使李祐於兗州魚臺縣破賊三千餘人

宣武節度使韓

宏拔考城淮南節度使李夷簡命李聽趨海州下汴陽胸山進戍東海

魏博節度使田宏

正率本軍自陽劉渡河距鄆州九十里下營再接再戰破

賊三萬餘衆生擒三千人收器械不可勝紀陳許節度

使李光顏於濮陽縣界破賊收斗門城杜莊柵田宏正

復於故東阿縣界破賊五萬諸軍四合累下城柵

師道每聞

敗輒憐成疾及李祐取金鄉左右莫敢白

師道使劉悟將兵當魏博軍旣敗

數令促戰師未進乃使奴召悟計事悟知其來殺已乃

稱病不出召將吏謀曰魏博兵強乘勝出戰必敗吾師

不出則死今天子所誅司空一人而已悟與公等皆被

驅逐就死地何如轉禍爲福殺其來使以兵趣鄆州立

大功以求富貴衆皆曰善乃迎其使而斬之遂齎師道

追牒以兵趣鄆州及夜至門示以師道追牒乃得入兵

士繼進至球場因圍其內城以火攻之擒師道而斬其

首

悟引兵反攻城師道晨起聞之白其嫂裴曰悟兵反將求爲民守墳墓卽與安方墜濶間兵就禽之師道

請見悟不許復請送京師悟使謂曰司空今爲囚何面  
目見天子猶俯仰祈哀宏方曰不若速死乃并斬之傳  
首京師棄其尸無敢收視者有士英秀爲殯城左馬總  
至以士禮葬初師古見劉悟曰後必貴然敗吾家者必  
此人送於魏博軍元和十四年二月也是月宏正獻於

京師天子命左右軍如受馘儀先獻於太廟郊社憲宗  
御興安門受之百僚稱賀初東軍諸道行營節度擒逆  
賊將夏侯澄等共四十七人詔曰附麗兇黨拒抗王師  
國有常刑悉合誅戮朕以久居汙俗皆被脅從况討伐  
已來時日未幾縱懷轉禍之計未有效款之由情似可  
矜朕不忍殺况三軍百姓孰非吾人詔令頒行罪止師  
道方欲拯於塗炭是用活其性命誠爲屈法庶使知恩



並宜特從釋放仍令却遞送至魏博及義成行營各委節度收管驅使如父母血屬猶在賊中或羸老疾病情切歸還者仍量事優當放去務相全貸何所疑留及澄等至行營賊覘知傳告叛徒皆感朝恩由是劉悟得行其謀焉師道妻魏氏及小男並配掖庭

悟素與師道妻魏亂妄言鄭公

徵之裔不死沒入掖庭他宗屬悉遠徙悟獨表奏師古子明安爲朗州司戶參軍

堂弟師賢師

智配流春州姪宏異配流雷州

親將王承慶承宗弟也師道以兄女妻之潛約

左右欲因肄兵執師道會悟入出奔徐州歸朝

詔分其十二州爲三節度俾馬

總薛平王遂分鎮焉仍命宰臣崔羣撰碑以紀其績國家自天寶末安祿山首亂兩河至寶應元年王師平史

朝義其將薛嵩李懷仙田承嗣李寶臣等受僞命分領  
州郡朝廷厭兵因僕固懷恩請就加官爵及侯希逸爲  
軍人逐出正已又據齊魯之地旣而遞相膠固聯結姻  
好職貢不入法令不加率以爲常仍皆署其子爲副大  
使父死子立則以三軍之請聞亦有爲大將所殺而自  
立者自安史以後迄至於貞元朝廷多務優容每聞擅  
襲因而授之以故六十餘年兩河號爲反側之俗憲宗  
知人善任削平亂迹兩河復爲王土焉師道妻魏氏元  
和十五年出家爲尼

洧正已從父兄也正已用爲徐州刺史正已死子納犯

宋州洧以其州歸順加御史大夫封潮陽郡王食實封二百戶充招諭使初洧遣攝巡官崔程奉表至京師令口奏并白宰相徐州恐不能獨當賊若得徐海沂三州節度都團練使卽必立功况海沂兩州亦並爲賊納所據非國家州縣其刺史王涉馬萬通等洧並素與之約若有詔命冀必成功程乍自外到闕以爲宰相一也乃先以其言白張鎰鎰言於盧杞杞怒程不先白已故洧所請不行杞妨公害私皆此類也及李納遣兵攻徐州劉洽與諸將擊退之賊勢未衰始加洧徐海沂都團練觀察使尋加密州時海密州皆爲賊所據不受洧命旋

加洧檢校戶部尚書未幾疽發背稍平乃大具糜餅飯

僧於市洧乘平肩輿自臨其場市人歡呼洧驚疽潰於

背而卒贈左僕射

以洧將高承宗代之洧弟淡險人也恥居下陰約納攻徐爲內應并說滕

將翟濟濟執以聞擢濟沂州刺史召淡入京師以洧赦不罪

康曰知靈州人祖植當開元時縛康待賓平六胡州元

宗召見擢左武衛大將軍封天山縣男日知少事李惟

岳擢累趙州刺史惟岳叛日知與別駕李濯及部將百

人啐牲血其盟固州自歸惟岳怒遣先鋒兵馬使王武

俊攻之日知使客謝武俊曰賊孱甚安足其安危哉吾

城固士和雖引歲未可下且賊所恃者田悅耳悅兵血

麟邢壕可浮不能殘半堞况吾城之完乎又給爲臺檢  
示曰使者齎詔諭中丞中丞奈何負天子從小兒跳梁  
哉武俊悟引兵還斬惟岳以獻德宗美其謀擢爲深趙  
觀察使賜實封戶二百會武俊死命遣將張鍾葵攻趙  
州日知破之上俘京師興元元年以深趙益成德徙日  
知奉誠軍節度使又徙晉絳加緊檢校尚書左僕射封  
會稽郡王貞元初卒贈太子太師子志睦

志睦字得衆資趨偉工馳射隸右神策軍遷累大將軍  
討張韶以多兼御史大夫進平盧軍節度使李同捷  
反放兵畧千乘志睦挫其銳不得逞遂下蒲臺盡奪其

械加檢校尚書左僕射徙涇原封會稽郡公卒年五十  
七贈司空子承訓

承訓字敬辭推門功進累左神武軍將軍宣宗擢爲天  
德軍防禦使軍中馬乏虜來戰數負承訓罷冗費市馬  
益軍軍乃奮張始党項破射鵬軍洛源鎮悉俘其人聞  
承訓威政皆還俘不敢警詔檢校工部尚書封會稽縣  
男擢義武節度使會南詔破安南詔徙嶺南西道城邕  
州合容管經畧使隸之遂統行營兵馬南詔深入承訓  
分兵六道出以掩蠻戰不利士死十八唯天平卒二千  
還屯闔軍震於是節度副使李行素完城不出南詔圍

之四日或請夜出兵襲蠻承訓意索不聽天平裨將陰募勇兒三百夜繼燒蠻屯斬首五百南詔恐明日解而去承訓謬言大破賊告於朝羣臣皆賀加檢校尚書右僕射籍子弟媼昵冒賞而士不及怨言嚙流嶺南東道節度使韋宙白狀宰相承訓慙移疾授右武衛大將軍分司東都咸通中南詔復盜邊武寧兵七百戍桂州六歲不得代列校許佶趙可立因衆怒殺都將詣監軍使丐糧鎧北還不許卽擅斧庫劫戰械推糧料判官龐勛爲長勒衆上道懿宗遣中人張敬思部送詔本道觀察使崔彥曾慰安之次潭州監軍詭奪其兵勛畏必誅篡

舟循江下益衰兵招亡命收銀刀亡卒艚匿之及徐城  
謀曰吾等叩城大呼衆必應前日賞緡五十萬可得也  
衆喜牙健趙武等欲亡勛斬首送彥曾曰此播亂者彥  
曾不能詰勛怨都押衙尹戡教練使杜璋兵馬使徐行  
儉又使白彥曾曰士負罪不敢釋甲請爲二屯且白退  
戡等府屬温庭皓謂彥曾曰勛擅委戍一可殺專戕大  
將二可殺私置兵三可殺士不子弟卽父兄振袂而唱  
內外必應銀刀亡命復在其中四可殺請分兩營脅去  
三將五可殺彥曾謂然乃禡纛黃堂前選兵三千授都  
虞候元密屯任山須勛至劫取之遣邏子羸服覘賊比



暮勛至捕覘者知其謀卽蒞偶人刺虛幟而詭路襲符離密人乃寤回屯城南勛與宿將喬翔戰睢河翔大敗攝太守焦璐遁去勛入據州自稱兵馬留後初璐決汴水絕勛北道水未至勛度比密兵攻宿水大至涉而傅城不克攻勛劫百艘運糧趨泗州留婦弱持陬翼日密覺追之士未食賊伏兵於舟而陣汴上軍見密皆走密追躡伏發夾攻之密敗衆殲遂入徐州因彥曾及官屬殺尹戡等又徇下邳漣水宿遷臨淮蘄虹諸縣皆下遣僞將屯柳子屯豐屯滕屯沛屯蕭以張其軍乃露章求節度使有周重者隱濠泗間號有謀勛迎爲上客問策

所出因教勸赦囚徒據揚州北收兗鄆西舉汴宋東掠  
青齊拓境大河食敖倉可以持久勛無雄才不納僞將  
劉行及攻濠州執刺史盧望回自稱刺史帝遣中人康  
道隱宣慰徐州勛郊迎旗鎧矛戟亘三十里使騎鳴鑼  
角聲動山谷置酒球場引道隱閱其衆給爲賊來降六  
十人妄戮平民上首級夸勝道隱還固求節度卽殘魚  
臺金鄉碭山單父十餘縣斬官吏出金帛募兵游民多  
從之帝乃拜承訓檢校尙書右僕射義成軍節度使徐  
泗行營都招討使以神武大將軍王晏權爲武寧軍節  
度使北面行營招討使羽林將軍戴可師爲南面行營

招討使李魏博鄜延義武鳳翔沙陀吐渾兵二十萬討之勛好鬼道有言漢高祖廟夜閱兵人馬流汗勛日往請命巫言球場有隱龍得之可戰勝勛大役徒鑿地不能得賊將李圓劉佶攻泗歐宗丁從實分徇舒盧壽沂海諸道兵屯海州度賊至作機橋維以長絙賊半度絙絕半溺死度者不得戰殲之賊別取和州破沔陽下蔡烏江巢諸縣揚州大恐民悉度江淮南節度使令狐綯移書陳禍福許助求節度勛按甲聽命淮南合宣潤兵戍都梁山勛夜度淮黎曙薄壘賊將劉行立王宏立與勛合敗淮南將李湘屯淮口劫盱眙帝又詔將軍朱威

與淮南并力承訓屯新興賊挑戰時諸道兵未集承訓  
帳下纔萬人退壁宋州勛益驕光蔡鉅賊陷滁州殺刺  
史高錫望應勛戴可師引兵三萬奪淮口圍勛都梁山  
下降其衆可師恃勝不戒宏立以兵襲之可師不克陣  
而潰士溺淮死逸者數百人賊取可師首傳徐州詔以  
馬士舉爲淮南節度使南面行營諸軍都統馳傳入揚  
州士舉曰城堅士多賊何能爲衆稍安始帝以晏權故  
智興子節度武寧欲以怖賊及是返爲賊困不敢戰乃  
更以隴州刺史曹翔爲兗海節度北面都統招討使屯  
滕沛魏博將薛尤屯蕭豐賊首孟敬文欲絕勛自立陰

刻鑑爲文曰天口云云錫爾將軍夜瘞之野耕者得之  
以獻衆駭異乃齋三日受之勛知其謀使人襲殺之於  
是承訓屯柳子右夾汴築壘連屬一舍勛籍城中兵止  
三千劫民授甲皆穿窟穴遁去王宏立度睢圍新興鹿  
塘承訓縱沙陀騎躡之宏立走士赴水死自鹿塘屬襄  
城伏口五十里數首二萬獲器鎧不貲承訓攻柳子姚  
周度水戰又敗乘風火賊周提餘卒去沙陀躡之及芳  
亭死者枕藉斬劉豐周以十騎走宿州守將斬之勛懼  
乃害崔彥曾等謂其下曰上不許我節度與諸君真反  
矣大索兵得三萬許佶趙可立勸勛稱天冊將軍勛謁

漢高祖廟受命以其父舉直爲大司馬守徐州或曰方  
大事不可私於父失上下序舉直乃拜於庭勛坐受之  
引兵救豐刻木作婦人衣絳被髮軍過斫而火之乃行  
勛夜入城外不知勛出銳軍擊援屯魏博軍知勛自將  
驚而潰賊以所得送徐州以夸下曹翔退保兗州勛欲  
乘勝攻承訓或曰今北兵敗西軍搖不足虞也方蠶月  
宜息衆力農至秋土馬強決可以取勝舉直曰時不重  
得願將軍無縱敵勛曰然時承訓方攻臨渙聞勛計追  
還兵仗以待勛軍皆市人鬻而狂未陣卽犇相蹈藉死  
者四萬勛釋甲服垢襦脫收夷痕土三千以歸遣張行

實屯第城馬士舉救泗州賊解去進攻賊濠州是時又  
詔黔中觀察使秦匡謀討賊下招義鍾離定遠勛遣吳  
迴屯北津援濠士舉銳兵度淮盡碎其營初勛之遁懼  
衆不軍妄言有神呼野中曰天符下國兵休勛使下相  
語符未降故敗北津帝恨魏博軍不勝以宋威爲西北  
面招討使率兵三萬屯蕭豐約勛降者當赦之始宿郟  
人劉洪者被黃袍乘白馬使人封檄叩觀察府曰我當  
王徐崔彥曾斬之遺黨匿山谷欲附勛承訓諭降之王  
師破臨渙斬萬級收襄城留武小睢諸壁曹翔下滕賊  
將以蘄浦降賊李直奔入徐州翔又破豐徐城下郟賊

益蹙助以張元稔守宿州張儒劉景助之自稱統軍列  
壁相望承訓拔第城張行實奔宿州承訓遂圍宿州行  
實教助官軍盡銳於此西鄙虛單將軍直擣宋亳出不  
意宿圍自解助喜引而西使舉直許佶守徐承訓攻賊  
十遇皆勝遣辨士以威動元稔元稔賊重將也以帛書  
射城外約誅助自歸使張臯獻期俄與二將會柳溪伏  
士於旁元稔馳騎呼曰龐助首已梟僕射塞矣伏興斬  
劉景張儒元稔率諸將肉袒見承訓自陳陷賊不早奮  
久暴王師願禽賊贖死承訓許之復請詐爲潰軍劫符  
離符離不知內之已入卽斬守將得兵萬人北攻徐州



許佶等不敢出元稔環城彥曾故吏路審中啟白門內元稔兵許佶等啟北門走元稔身追之士大崩皆赴水死斬舉直許佶李直等收叛卒親族悉夷之勛聞徐已拔氣喪無顧賴衆尙二萬自石山而西所在焚掠承訓悉兵八萬逐北沙陀將朱邪赤衷急追至宋州勛焚南城爲刺史鄭處冲所破將南趨亳承訓兵循渙而東賊走蘄縣官軍斷橋不及濟承訓乃縱擊之斬首萬級餘皆溺死閱三日得勛尸斬其子於京師吳迴守濠州糧盡食人驅女孺運薪塞隍并填之整旅而行馬士舉斬以獻勛之始得徐州貲儲蕩然乃四出剽取男子十五

以上皆執兵舒鉏鉤爲兵號霍雖破十餘州凡二歲滅  
詔擢元稔右驍衛大將軍承訓遷檢校左僕射同中書  
門下平章事徙節度河東於是宰相路巖韋保衡劾承  
訓討賊逗撓貪虜獲不時上功貶蜀王傅分司東都再  
貶恩州司馬僖宗立授左千牛衛大將軍卒年六十六  
子傳業嘗從父征伐終鄜坊節度使

史臣曰自安史亂離河朔割據雖外尊朝旨而內蓄姦  
謀薛嵩祖父國之名將及身濡足賊庭旣沐國恩尙存  
家法守土奉職終身一心果有令人克全餘慶彰居喪  
循禮有士子之風馭衆權謀著將軍之業中外善政終

始令名成功不居告老致仕方之者鮮矣背逆歸國治  
兵牧民上表推誠舉賢代已時稱能善始善終者也建  
志稟遺訓克全令名不能終保功業惜哉神功忠勇竟  
著勲名希逸荒狂自失茅土師道祖父弟兄盜據青鄆  
得計則潛圖兇逆失勢則僞奉朝旨向背任情數十年  
矣或問曰師古之前三帥而不滅師道繼立數年而亡  
者何哉答曰納與師古自運姦謀躬臨戎事朝廷任盧  
杞以私妨公致懷光變忠爲逆李納父子宜其苟延洎  
憲宗當朝裴度爲相君臣道合中外情通師道外任諸  
奴內聽羣婢軍民攜貳家族滅亡不亦宜乎假息數年

猶爲多矣何所疑焉

贊曰田神功勇能立勲令狐彰死不失節薛平振家世以顯揚師道任臧獲而亡滅

唐書卷第一百七十五

